

天一閣藏明代方志選刊

延平府志



延平府志叙

世曰有司者練刑賦事乃筆筐篋為急業識治者譏
之蓋政道有式今昔流遷劑質迺殊知治體者瞭晰
于經國之書如志書者博登覽采以成國憲政之式
也郡之所有山川之迤也土地之生也風氣之僻也
俗習之迭也征賦之數也賢庸之履也險易之附也
詞章之述也皆廣記而備言之貫之 王制本乎觀
戒故業官者求多聞善敗以鑑懼亦務懼夫國志之

弊賴弗可以考稽訊制儀昭明物則于志悉矣觀夫山川乃以紀國土地乃以裒征宣風以盪滌移俗以阜羨酌夫成賦憲夫臧否倣備疆場腴燁國華經國之政寓美班序權式以象紀統比類揆酢以度于百為庶夫郡邑之治也阜而不疚故曰志者政之式也百代之資也善夫延守陳子大用之治延考其圖典刑法而觀其廢興崇振延志其知治體者經國之緒見矣纂輯厥紀以文緯時知在鄭子舜祥之優

docsriver 文川网
入驻商家 古籍书城

在文川网搜索古籍书城 获取更多电子书

嘉靖乙酉孟秋望日晋安林鉞撰

延平府志叙終

延平府志叙

余往歲得告歸自留都卧病劍溪草堂時同年南嶠
陳子方秉郡旄聽六邑之政時和歲豐郡以無事陳
子日駕軒車屏騎從過余草堂爲論文之雅問及余
以郡志余曰郡故無志宋端平間有作者殊蕪鄙不
足觀先郡守孫侯暨先達宮保劉公雅倡斯典禮聘
莆田黃仲昭氏爲之今所傳郡志是矣閱歲既久板
刻散失余先師胡九峯氏續爲之稿未及成九峯不

幸以死余以祿食走四方歸不及見先生及所以爲志之意能不恨歎陳子曰子爲我爲之余曰不肖何足以當此夫志亦史也備物垂遠明善章視學不傳何以該物見不精何以執幾心不公何以止謗三者備可以言志矣夫公可能也博與精不可能也備此三者其吾友林子克相乎陳子曰子姑創厥始吾爲子致林子廼檄求安學博辛君佑之相與纂輯越三月稿成林子不果來陳子曰是亦足以傳矣於是拜

加校理刻之以求正於林子且以示來者云同是舉
者貳守羅君相之通侯余君廷獻表重斯文倡而能
和皆與有功焉

嘉靖四年乙酉秋九月望劍溪病夫鄭慶雲叙

EDS 701

一九六一年十二月上海古
籍書店據寧波天一閣藏明
嘉靖刻本景印原書版框高
二〇公分寬一四·五公分

延平府志目錄

地理志四卷

一卷

沿革

分野

疆里

郡名

形勝

風俗

二卷

山川

三卷

坊市

鄉都

橋渡

城池

四卷

古蹟

丘墓

寺觀

宮室

食貨志一卷

戶口

土田

水利

坑冶

土貢

財賦

差役

物產

官師志五卷

一卷

職員

二卷

歷官

文職

三卷

歷官

武職

四卷

名宦

五卷

名宦

宦蹟

公署志一卷

學校志一卷

祠祀志一卷

祠廟

壇壝

選舉志一卷

進士

舉人

歲貢

例貢

薦辟

蔭叙

貶封

恤恩

人物志四卷

一卷 道學

二卷 名臣

三卷 良吏 儒林 文苑

四卷 孝義 忠烈 武功 寓賢

隱逸 仕蹟 烈女

藝文志二卷

一卷 紀述

二卷 詩

方技志一卷

祥異志一卷

拾遺志一卷

延平府目錄終

地理志卷之一

徵仕郎南京禮科給事中郡人鄭慶雲纂

延平府永安縣儒學教諭順德辛紹佐同纂

在昔元胎闡象大毒流形天樞既張地軸攸立上古
邈矣弗稽弗傳惟堯興唐禹平水土以為九州虞舜
紹傳厥功彌劭表綱類而分區宇考川原而正疆域
書曰肇十有二州封十有二山是矣周禮職方掌夫
下之士以周厥利保章辨九州之野皆有分星揚州

之域七閩斯繫漢唐五代以來尤為僻土宋德龍興
東南啓運衣冠文物雄視中州南劔道學之邦寔稱
鉅郡夫沿革興廢之由形勢流風之遠山川土田之
富不有紀述又何觀焉諸有民社之寄因人情而定
理考山澤而興利脩舉廢墜以邀福於民至於紛有
更變弗利而殃茲固無望於上之人爾已志地理

沿革分野疆里郡名形勝

風俗山川坊市鄉都橋渡

docsriver 文川网
入驻商家 古籍书城

在文川网搜索古籍书城 获取更多电子书

城池 古蹟 丘墓 寺觀 宮室

沿革

夏商書

揚州之域 宋蔡沉曰揚州北至淮東南至于海

周職方

七閩地

秦

隸閩中郡

漢

屬閩越

為東冶縣地

為南平縣

高帝五年封亡諸為閩越王其

地屬焉其後武帝以其國阻悍數反覆滅之而遷其民江淮間遂虛其地後復立冶縣屬會稽南部都尉建安初始分侯官之北鄉置南平縣即今郡地也仍屬會稽南部

三吳國

屬建安郡

末安三年

東晉

延平縣

太元四年改

劉宋明帝時延平縣廢

隋

屬泉州

閩州

建安郡

開皇九年建安郡亦廢故隸泉大業初屬閩三年復

屬建安焉

唐

屬建州

為延平軍

武德初屬建州三年置延平軍仍屬焉

五代

延平鎮

王審知

永平鎮

王延翰

龍津縣

潭州

王延政僭位於建州

升為龍津縣
尋置鐔州

五晉

延平軍制置鎮

劍州

縣三

開運二年南唐兵拔鐔州復以為鎮明年

改為劍州析建州之延平劍浦富沙三縣屬焉治延平

五漢

劍州

縣六

乾祐元年南唐復以福州之尤溪汀州之沙縣來屬又升永順場為順昌縣總

縣六焉

宋

南劍州

太平興國四年因蜀利州路亦有劍州乃加南字以別之名南劍州而以建州之將樂屬焉

省延平富沙二縣領縣五治劍浦雍熙二年隸福建路

元

南劍路

延平路

至元十五年升南劍州為路屬福建行中書省十六年改屬宣慰使

司二十年復屬行中書省二十二年改屬宣慰使司併入江西行省二十三年復屬行中書省二十四年改屬行尚書省二十八年復改屬宣慰使司併入江西行省二十九年復屬行中書省大德元年改屬福建平海行中書省三年復屬宣慰使司都元帥府六年改為延平路隸福建行中書省領司一曰錄事縣仍五改劍浦為南平至正末陳有定據而守之

皇明

延平府 縣六
洪武元年平有定改其地為今府屬

三年增置永**南平**
附將樂本漢建安縣地吳永安三年始析縣之校鄉置將樂

熙元年又改綏安為綏城縣隋開皇十二年併入邵

武縣隸撫州唐武德五年復置將樂縣隸撫州七年

五年復復置屬建州五代晉開運二年偽閩以縣置鑪

州尋復為縣屬建州宋太平興國四年始來屬元仍

舊皇明**沙縣**
本漢南平縣地晉太元四年析其南鄉
因之
為沙縣尋廢唐武德四年復置隸建州後省入建安
縣永徽六年復置大曆十二年改隸汀州五代漢乾

祐元年南唐始以宋屬**尤溪**本晉延平縣之山洞唐
宋元仍舊 皇明因之 開元二十二年經畧使
唐修忠以書招諭其民酋長高伏請以千戶入版籍
二十九年始開拓置**尤溪縣**隸福州五代晉開運二
年南唐滅閩取其地以為制置鎮又三**順昌**本漢建
年割隸劍州宋元仍舊 皇明因之 **安縣**地
唐貞觀三年以其東南二鄉置將水塲嗣聖四年分
南鄉將水口為獨科鎮景福二年改為將水鎮尋改
為**永順塲**隸建州五代漢乾祐元年南唐始置**順昌**
縣隸劍州宋熙寧三年以縣境福小割劍浦縣交溪
鄉以益之元仍**永安**本沙尤二縣地 皇明正統十
舊 皇明因之 四年逆賊鄧茂七平鎮守福建
都督**范雄**刑部右侍郎薛希璉巡按監察御史陳貞
誦以其地險遠難於控制遂會三司奏請置縣於此
景泰三年始析沙縣新嶺以南
尤溪縣寶山以西地置永安縣

分野

周官保章氏辨九州之分野吳越屬星紀

前漢志屬牽牛婺女之分

後漢

晉

隋志皆屬斗牛須女之分後漢志云自斗十一度至

長在丑於律為黃鍾斗建在子吳越分野屬揚州晉天文志云自南斗十二度至須女七度為星紀注云費直起斗十度蔡邕起斗六度又云陳卓范蠡鬼谷張良諸葛亮譙周京房張衡並云斗牽牛須女吳越

揚州內會稽入牛一
度須女即婺女也

唐

書

屬南紀

天文志云僧一行以為天下山河之象

紀所以限戎狄也南戒自峨嵋至東甌閩中是謂南
紀所以限蠻夷也故星傳謂北戒為胡門南戒為越
門又云東南負海為星紀負海者以其雲漢之陰也
又云南斗牽牛星紀也初南斗九度餘千四十一秒
十二大中南斗二十四度終女四度為星紀之分古
吳越及東南百越之國南斗在雲漢下流當淮海間
為吳分牽牛去南海窺遠自豫
章迄會稽南逾嶺徼為越分

宋

史

以屬天市垣東蕃南第六星

天文志天市垣二
十二星東西蕃各

列十一星其東垣
南第六星曰吳越

元

史亦為星紀之次

曆志云斗四度三十六分六十六秒外入吳越分星紀之次

皇明天文分野以屬斗牛之分

大明一統志則以為牛女之分

國朝翰林曰：分野論畧曰：分野視分星，古不謂地也。地有彼此之不齊，而分野在天，則一定而不易。以彼此不齊之地，必欲求配於在天，十二次整然之分野，其說之難通也。固宜蓋天有三垣，紫微、大微、天市，是也。紫微、大微皆將相輔佐之位，而天市下垣則列國星宿之所在。其星東南二十二，宋南海、燕東、海徐、吳、越、齊、中山、九河、趙、魏、韓、楚、梁、巴、蜀、秦、周、鄭、晉、河間、河中曰：分野者，指列星所屬之分而言也。鄭氏所謂星土星所主土是也。其國在此而星則在彼，彼此若不相配，而其為象未嘗不相屬。非地之在北者，其分野在天，亦居北地之在南者，分野在天，亦居南也。列國之在天下，彼此縱橫之不齊，猶大牙然而欲以其

地之不齊者求合乎在天分野之整然彼此之不相配無足恠者甚者至於天之北極為天之首其躰反背故有吳北魯東之差其感甚矣易不云乎在天成象在地成形水火金木土其形在地者也而天有其星焉所謂象也豈惟五星哉凡物莫不皆然矣故夫齊具燕宋韓楚周秦魏趙諸國之地地之形也而其星在天象之謂也地有是形則天有是星有是星則有是名曰齊具燕宋韓楚周秦魏趙列國者非後世有是名而舉以為分野之名也何以知其然也徵諸東海南海九河河間河中巴蜀中山有以知之也東海南海九河河間河中非國中山巴蜀非若諸國之顯也故曰地有是形則天有是星而分野者指列星所屬之分而言也或曰若然則十二次之說將無所徵歟曰十二次所以驗天運之度數日躔之次舍此蓋古法而曆家之所取驗者也因其度數次舍之所在而妖祥見焉則其所屬之地從亦可徵矣抑分野

之說固豈專
係於是哉

疆里

府地廣三百七十五里袤三百里南平廣一百四十
五里袤一百八十里將樂廣一百五十五里袤一百
六十里沙廣一百五十里袤一百四十里尤溪廣二
百八十里袤二百五十里順昌廣九十里袤七十里
永安廣一百八十里袤二百里

府在布政司之西其東為建寧之建安其西為汀州

docsriver 文川网
入驻商家 古籍书城

在文川网搜索古籍书城 获取更多电子书

之清流其南為福州之古田其北為邵武之建寧

東至

建寧府一百二十里西至清流縣界三百二十五里
南至古田縣界一百二十里北至邵武縣界一百八
十里東南至福州府界一百二十里西南至泉州府
界三百九十里東北至建寧府界一百二十里西北
至邵武府界一百八十里自府治至南京二千四
百七十里至京師五千二百九十三里

南平附郭東抵建安西順昌南尤溪北甌寧

東至建寧府建

安縣界五十里西至順昌縣一百二十里南至尤溪
縣一百五十里北至建寧府甌寧縣界一百里東南
至福州府界一百二十里西南至永安縣二百里東
北至甌寧縣界五十里西北至甌寧縣界一百里
將樂在府城西二百二十里東抵順昌西清流南沙

縣北泰寧

東至順昌縣一百里西至汀州府歸化縣
明溪驛一百三十里南至沙縣界四十里

北至邵武府界一百二十里東南至順昌縣界四十
里西南至汀州府界一百二十里東北至邵武府界

一百二十里西北至汀州府界一百里

沙縣在府城西一百二十里東抵南平西未安南左

溪北順昌

東至南平縣一百二十里西至未安縣界
八十里南至龍巖縣三百五里北至順昌

縣界八十里東南至尤溪縣界一百八十里西南至
未安縣一百六十里東北至順昌縣一百六十里西

至未安縣界一百二十里

尤溪在府城南一百五十里東抵閩清西龍巖南德